

## **Govor prvog zamjenika predsjedavajućeg Doma naroda Parlamentarne skupštine BiH Safeta Softića na 19. Euroazijskom ekonomskom forumu**

**Istanbul, 07. april 2016.**

"Poštovane dame i gospodo,

Drage kolege,

Imam veliku čast i zadovoljstvo, kao prvi zamjenik predsjedavajućeg Doma naroda Parlamentarne skupštine Bosne i Hercegovine, obratiti vam se na 19. Zasedanju euroazijskom ekonomskom samitu na temu "Prisilne migracije;pitanje izbjeglica, trgovina ljudima I terorizam".

### **BOSNA I HERCEGOVINA I IZBJEGLIČKA KRIZA U REGIONU I EVROPSKOJ UNIJI**

#### **Uvod**

Usljed oružanih sukoba na Bliskom istoku došlo je do migracije velikog broja stanovništva. Posebno treba istaći sukobe u Siriji i sjevernom Iraku koji su u doveli do egzodusa velikog broja izbjeglica. Prema podacima FRONTEX-a, Evropske agencija za upravljanje operativnom saradnjom na vanjskim granicama država članica Evropske unije, migracione rute su Zapadna Afrička ruta, Zapadna Mediteranska ruta, Centralna Mediteranska ruta, Apulia i Kalabrija ruta, Ruta između Albanije i Grčke, Zapadno-balkanska ruta, Istočna Mediteranska ruta i Ruta istočnih granica.<sup>1</sup> Migracijska kriza kao globalni problem i izazov bila je tema rasprave na godišnjoj skupštini PD Centralnoevropske inicijative u Skoplju.

Također su navedeni podaci o smještajnim kapacitetima Bosne i Hercegovine u slučaju većeg priliva izbjeglica, kao i institucije u Bosni i Hercegovini koje se bave pitanjima od značaja za migrantsku krizu.

Informacija po pitanju izbjegličke krize

Savjet ministara BiH je na 22. sjednici održanoj 08.09.2015. na prijedlog Ministarstva bezbjednosti, usvojio *Informaciju o procjenama i mogućnostima Bosne i Hercegovine po pitanju izbjegličke krize u regiji i Evropskoj uniji*.<sup>10</sup> Zadužene su sve institucije i agencije da realizuju mjere definisane Planom hitnih mjera za osiguranje dodatnih kapaciteta, kontrolu i upravljanje prilivom masovnog broja migranata/izbjeglica u Bosnu i Hercegovinu. Ministarstvo bezbjednosti i Koordinacijsko tijelo za pitanja migracija u Bosni i Hercegovini zaduženi su da u saradnji s drugim nadležnim institucijama prate provođenje Plana hitnih mjera i po potrebi ga koriguju i o tome izvijeste Savjet ministara BiH.

U navedenoj Informaciji o procjenama i mogućnostima Bosne i Hercegovine po pitanju izbjegličke krize u regionu i Evropskoj uniji se navodi da uslijed trenutne situacije u regionu može doći do masovnog ulaska migranata u Bosnu i Hercegovinu, posebno ako se ima u vidu dužina granice Bosne i Hercegovine sa Hrvatskom. Mađarska je u oktobru zatvorila granicu, za ilegalni prelaz migranata, sa Hrvatskom a prije toga, u septembru, zelena granica je zatvorena sa Srbijom.

U Informaciji o procjenama i mogućnostima stoji da je u slučaju masovnog priliva migranata neophodno preduzeti sve neophodne mjere kako bi se obezbjedilo da se te osobe tretiraju na human i dostojanstven način u skladu sa međunarodnim pravom i zakonodavstvom u oblasti migracija i azila.

Institucionalni okvir za provođenje iseljavanja i azila u Bosni i Hercegovini Organi na državnom nivou koji se bave pitanjima migranata su: Ministarstvo bezbjednosti, Ministarstvo za ljudska prava i izbjeglice, Obavještajno bezbjednosna agencija Bosne i Hercegovine, Ministarstvo inostranih poslova Bosne i Hercegovine i Koordinaciono tijelo za pitanja migracija.

Ministartvo bezbjednosti kreira, stara se i provodi politiku useljavanja i azila u BiH, uređuje procedure i način uspostavljanja službi u vezi sa kretanjem i boravkom stranaca u Bosni i Hercegovini. Ministarstvo bezbjednosti u svojoj organizacionoj strukturi ima sektore koji se bave pitanjima migracija, a to su:

- Sektor za imigraciju;
- Sektor za azil
- Sektor za graničnu i opštu bezbjednost.

Pored navedenih sektora upravne organizacije u okviru Ministarstva bezbjednosti, koje se bave migracijom stanovništva, su *Služba za poslove sa strancima, Granična policija i Državna agencija za istrage i zaštitu*.

Ministarstvo za ljudska prava i izbjeglice u svom sastavu ima Sektor za izbjeglice, raseljene osobe i stambenu politiku.

*Sektor za izbjeglice, raseljene osobe i stambenu politiku* priprema prijedloge za utvrđivanje i unapređenje politike iz oblasti: izbjeglica iz Bosne i Hercegovine, raseljenih osoba u Bosni i Hercegovini, povratnika, kao i prava izbjeglica u Bosni i Hercegovini, stambene politike, te prati njihova provođenje, priprema zakone, podzakonske akte i druge propise koji se odnose na izbjeglice, raseljene osobe i povratnike, prihvati i prava izbjeglica i stambenu politiku. Sektor pruža stručnu pomoć izbjeglicama, raseljenim osobama i povratnicima u ostvarivanju i zaštiti njihovih prava u Bosni i Hercegovini u skladu sa međunarodnim konvencijama o zaštiti ljudskih prava i sloboda i domaćim zakonodavstvom. Sektor obavlja poslove vezane za funkcionisanje izbjegličkih centara, vrši prihvati i obezbjeđuje uslove za zbrinjavanje i boravak izbjeglica u centrima i obavlja poslove iz ove nadležnosti.

Obavještajno bezbjednosna agencija Bosne i Hercegovine odgovorna je za prikupljanje obavještajnih podataka u vezi s prijetnjama po sigurnost Bosne i Hercegovine, kako unutar, tako i van države. U dijelu imigracionog zakonodavstva nadležnost Obavještajno-bezbjednosne agencije ogleda se u sigurnosnoj provjeri stranaca u svrhu utvrđivanja razloga po bezbjednost u Bosni i Hercegovini.

Ministarstvo inostranih poslova Bosne i Hercegovine realizuje imigracionu politiku posredstvom izdavanja viza u Diplomatsko-konzularnim predstavništvima Bosne i Hercegovine. Priprema Vijeću ministara:

- prijedloge odluka o državama čijim državljanima nije potrebna viza za ulazak u Bosnu i Hercegovinu;
- prijedloge odluka za države čiji državljani mogu ući u Bosnu i Hercegovinu sa drugim dokumentom osim pasoša i
- prijedloge odluka oslobađanja od obaveze pribavljanja vize nosioca posebnih vrsta putnih isprava.

Koordinaciono tijelo za pitanja migracija u Bosni i Hercegovini kontinuirano sagledava cjelokupnu situaciju u oblasti migracija i azila, potiče i osigurava interresornu saradnju između relevantnih instucija koje se bave poslovima migracije i azila, vrši procjene budućih migracionih kretanja i nadležnim institucijama predlaže mjere za unaprjeđenje migracijske politike.

Pored gore navedenih institucija *Federalno ministarstvo unutrašnjih poslova, Ministarstvo unutrašnjih poslova Republike Srpske, kantonalna ministarstva unutrašnjih poslova i Policija Brčko Distrikta Bosne i Hercegovine* u oblasti imigracionog prava nadležni su za podršku Službi za poslove sa strancima u postupcima prijave i dojava boravka stranaca i pružanju podrške u postupcima prisilnog udaljenja stranaca iz Bosne i Hercegovine.

I na kraju poštovane dame I gospodo još jednom želim da izrazim svoje zadovoljstvo što mi se ukazala prilika da se obratim na 19. Zasjedanju euroaziskom ekonomskom samitu.

HVALA."